

Headlines

1. लेफ्टिनेंट गवर्नर मनोज सिन्हा होरें दक्खन कश्मीर थमां नौजवानें दे इक समूह गी साम्प्रदायिक सद्भावना आले दौरें आस्तै रवाना कीता।
2. केंद्री बिजली मंत्री मनोहर लाल खट्टर होरें आखेआ जे दफा 370 गी हटाए जाने मगरा जम्मू-कश्मीर च तेजिया कन्नै विकास होआ'रदा ऐ।
3. केंद्री मंत्री शिवराज सिंह चौहान होरें आखेआ जे मनरेगा भ्रष्टाचार दा दुआ रूप बनी गेदी ही।
4. उपमुख्यमंत्री सुरिंद्र चौधरी होरें आखेआ जे जम्मू-कश्मीर च सेहत क्षेत्र च बड़ा मता सुधार होआ करदा ऐ।
5. मुगल रोड गी छड़ी हौली मोटर गड्डियें दी आओजाई खोलेआ जा'रदा ऐ। बडुलै साड्डे 10 शा दपैहरी ढाई बजे तोड़ी गै आओजाई दी इजाजत होग।

<><><><><><>

LG Flag off

उपराज्यपाल मनोज सिन्हा होरें अज्ज दक्खनी कश्मीर दे बक्ख-बक्ख जिलें दे 25 नौजोआनें दे इक समूह गी 10एं दिनें दे शैक्षणिक सांस्कृतिक आदान-प्रदान ते साम्प्रदायिक सद्भाव दे दौरें लेई झंडी दस्सियै रवाना कीता। इस मौके पर एल.जी होरें नौजवानें कन्नै गल्लबात कीती ते उनेंगी शुभकामनां दित्तियां। 10एं दिनें दे इस दौरें दरान एह नौजवान चंडीगढ, हरियाणा ते शिमला सने बक्ख-बक्ख क्षेत्रें दा दौरा करडना। एक भारत श्रेष्ठ भारत दी भावना गी मजबूत करने दे मकसद कन्नै इस दौरें दा उद्देश्य राष्ट्री एकता, संस्कृति दा आदान-प्रदान ते अनुभवे गी सांझा करना ऐ। एहदे अलावा नौजवानें गी भारत दी बन सबन्नी विरासत ते तेजिया कन्नै होआ'रदे विकास बारै जानकार बनाना बी ऐ।

<><><><><><>

Khattar- Reasi

केंद्री बिजली मंत्री मनोहर लाल खट्टर होरें आखेआ जे जम्मू-कश्मीर च दफा 370 हटाए जाने मगरा टकोहदा ते महत्वपूर्ण विकास दिक्खने गी लब्भा'रदा ऐ। रियासी च राष्ट्री स्वयंसेवक संघ आसेआ आयोजित इक हिंदू सम्मेलन च बड्डे किट्टु गी संबोधित करदे होई केंद्री मंत्री होरें आखेआ जे दफा 370 गी हटाए जाने कन्नै केंद्र शासित प्रदेश च विकास, शांति ते समावेशी विकास दे नमें रस्ते खुल्ली गे ना। उनें आखेआ जे बेहतर बुनियादी ढांचा बेहतर शासन ते निवेश च बादा होने कन्नै हून इस क्षेत्र च बदलाव आवा'रदा ऐ। खट्टर होरें आखेआ जे जम्मू-कश्मीर दे लोक केंद्री कल्याणकारी योजनाएं थमां लाहू हासल करा'रदे ना। उनें आखेआ

<><><><><><>

Shivraj G Ram G

ग्रामीण विकास मंत्री शिवराज सिंह चौहान होरें अज्ज आखेआ ऐ जे एम.जी नरेगा भ्रष्टाचार दा दुआ रूप बनी गेदा हा जित्थें कम्मगारें दा शोषण इक आम गल्ल ही। नमीं दिल्ली च इक संवाददाता सम्मेलन गी संबोधित करदे होई मंत्री होरें कांग्रेस पर दोश लाया जे ओहू नमें बनाए गेदे विकसित भारत जी राम जी कनून बारै लोकें गी गुमराह करा करदी ऐ। उ'नें आखेआ जे कांग्रेस पार्टी, एम.जी नरेगा दा बचाऽ करा'रदी सगुआं ओहू उस भ्रष्टाचार दा बचाऽ करा'रदी ऐ जेहडा एम.जी नरेगा च उन्ने फैलाए दा हा। चौहान होरें आखेआ जे इन्ने बड्डे बजट दे बावजूद एम.जी नरेगा ने नां ते कुसै स्थाई संपत्ति दा निर्माण कीता ते नां गै ग्राएं च लम्मी अवधि आला विकास यकीनी बनाया। उ'नें आखेआ

<><><><><><>

People G Ram G

रामबन जिले दे लोक एम.जी नरेगा दी थाह देसै च नमें आहन्ने गेदे विकसित भारत जी राम जी कनून दा बड़ा मता सोआगत करा'रदे ना। एह नमां कनून रोजगार सृजन गी उत्पादक संपत्ति दे निर्माण कन्नै जोड़ियै ग्रामीण अर्थबवस्था गी मजबूती देग जेहदे चलदे परोआरें दी औदन च बादा यकीनी बनाग। रामबन थमां द'ऊं लाभार्थिंणं विजय कुमार ते राकेश कुमार दा इस सरबंध्यै च आखना ऐ



Mission-YUVA

2047 तगर भारत गी विकसित राश्ट्र बनाने दे प्रधानमंत्री हुंदे नजरिये थमां प्रेरित जम्मू-कश्मीर, आत्मनिर्भरता ते उद्यम-कारखानादारी दे खेत्तर च इक नमां ध्याऽ लिक्खा करदा ऐ। इस बदलाव दा सभनें शा मुख् बिंदु ऐ-मिशन युवा जेहड़ा प्रदेश दे नौजवानें गी नमें हुनर, मौकें ते मान-सम्मान कन्नै जोड़ा करदा ऐ। जम्मू-कश्मीर दी सरकार आसेआ आई.आईएम जम्मू, नाबार्ड, जम्मू-कश्मीर बैंक ते होरनें नेहू इदारे दे सैह्योग कन्नै रम्भी गेदी मिशन युवा नांऽ दी एहू पैहल रोजगार दे बचार गी इक नमां आकार देआ करदी ऐ। इस योजना दी शुरूआत कोला पैहले सरकारै खित्ते दे रोजगार ते उद्यमियता तंत्र बारै इक आंकलन कीता हा जेहदे च एहू गल्ल सामने आई ही जे बेरोजगारी दी वजह छड़ी नौकरिएं जां पैसे दी कमी गै नेई सगुआं आसें-मेदें ते पुज्ज दे बश्कार छिंडा बी ऐ हा जिसी दूर करने दा कम्म मिशन युवा नै बखूबी कीता ऐ।



Dy CM Health Sector

उप मुख्मंत्री सुरिंद्र चौधरी होरें अज्ज आखेआ जे जम्मू-कश्मीर च सेहत सरबन्धी सैक्टर च पिछले इक बरै दरान बड़ा मता सुधार होआ ऐ पर इसी होर बेहतर बनाने आस्तै अजें होर मता करने दी लोड़ ऐ। उप मुख्मंत्री होरें एहू गल्ल सेहत मंत्री सकीना इत्तू हुंदे कन्नै रलियै जम्मू दे एयरपोर्ट रोड पर स्थित इक निजी अस्पताल च थैलेसीमिया दे बच्चें लेई रक्तदान शिविर ते पूरे पूरे शरीरै दी जांच सुविधा दा सांझे तौरा पर उद्घाटन करने मगरा आक्खी। उनें आखेआ जे मौजूदा प्रशासन तैहत सेहत सेवाएं च सुधार होआ ऐ। हालांकि बाकी दिएं कमियें गी दूर करने लेई लगातार जत्न करने दी होर मती लोड़ ऐ।



NCAHP

भारत सरकार दे सेहत ते परौआर कल्याण विभाग दे सेहत दिक्खभाल पेशे आहले राश्ट्री आयोग-एन.सी.ए.एच.पी आसेआ सेहत दिक्खभाल पेशेवरें ते इदारे दे पंजीकरण लेई ऑनलाइन पोर्टलें गी चालू करने दी प्रक्रिया रम्भी गेदी ऐ। इस सरबन्धे च जम्मू-कश्मीर दी सेहत दिक्खभाल सरबन्धी परिशद एस.ए.एच.सी नै जानकारी दिती ऐ जे प्रदेश च सेहत दिक्खभाल आहले पेशेवरें ते होरनें सभनें योग्य सरबन्धत धड़ें लेई पंजीकरण दी प्रक्रिया बड़ी तौलें गै रम्भ करी दिती जाहगा।



Mughal-Road

प्रशासन ने मुगल रोड गी गड्डिएं दी सीमित आओजाई लेई खोलने दा ऐलान कीता ऐ ते इस बवस्था दे तैहत छड़ी हौली मोटर गड्डिएं गी तय समें दरान गै उत्थे चलने दी खुल्ल दिती जाहगा। हासल जानकारी मूजब मुगल रोड पर बड्डुलै साड्डे 10 बजे शा लेइयै दपैही गी चलने दी इजाजत होग। एहू फैसला शिडक दी स्थिति ते मौसम दे सूरतेहाल गी दिखदे होई ते खासतौरा पर 'पीर गी गली' आले हिस्से दी स्थिति दे आंकलन मगरा लैता गेआ ऐ कीजे इस हिस्से पर स्यालें दरान बर्फबारी ते तलैहट आले हालात मते बने दे रौहंदे ना। अधिकारिएं मूजब कुसै बी बड्डी मोटर गड्डी जां जात्तरी गड्डी गी फिलहाल मुगल रोड पर चलने दी इजाजत नेई दिता गेई ऐ।



Honey Unit

उधमपुर जिले दे सुद्धमहादेव इलाके च इक युवा उद्यमी नीतिश शर्मा होरें शहद त्यार करने आहली इक इकाई कायम कीती ऐ जेहदे कन्नै शहद त्यार करने दी पूरी प्रक्रिया यानि मखीर कड्डुने थमां लेइयै एहदी ब्रांडिंग तगर दी पूरी प्रक्रिया होर सखल्ली ते बेहतरनीन होई गेई। इन्ना गै नेई इस तरीके राहें मखीर दी गुणवत्ता च बी सुधार ऐ जेहदे कन्नै मुल्ल ते बदेआ ऐ, पर मकामी कारोबार च बी खरा मता बाद्दा दर्ज कीता गेआ ऐ एहू पैहलकदमी मकामी करसानें ते लौहके उद्यमियें गी इस बक्खी प्रेरित करने दे भारत सरकार दे जत्तें दा इस्तेमाल करियै नितिश शर्मा दी इस इकाई दा मकसद ना शडा मकामी तौरा पर उत्पादन कीते गेदे मखीरै दा बजारीकरण समर्थ बधाना ऐ, सगुआं खित्ते च नौकरियें दे मौके उपलब्ध करोआना बी ऐ। इस मखीरै दी खास गल्ल ऐ जे मकामी तरीके राहें त्यार करियै बी एहू कई चिरै तगर खराब नेई होई सकदा। इस बारै अपने बचार सांझे करदे होई नितिश होरें आखेआ

